



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-3088/13
Sarajevo, 11.12.2013. godine

05-50-1
ly

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 12.12.2013

Organizaciona jedinica	Klasifikaciona oznaka	Redni broj	Broj stranica
		01-50-1-15-55/13	

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 75. sjednici održanoj 11.12.2013. godine, utvrdilo je Odgovor na zastupničko pitanje koje je postavio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U privitku prosjeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-3088/13
Sarajevo, 11.12.2013. godine

Gospodin Zijad Jagodić, poslanik u Predstavničkom domu Parlamentarne skupštine Bosne i Hercegovine, na 55. sjednici Predstavničkog doma Parlamentarne skupštine Bosne i Hercegovine, održanoj 24. oktobra 2013. godine, postavio je slijedeće poslaničko pitanje:

Zijad Jagodić:

» Imajući u vidu program rada Vijeća ministara BiH za 2013., pitam Ministarstvo komunikacija i prometa kada možemo očekivati, odnosno da li će se do kraja godine pred Parlamentarnom skupštinom BiH naći slijedeći zakoni u proceduri, i to:

- 1. Prijedlog zakona o izmjenama i dopunama Zakona o putnim ispravama BiH*
- 2. Prijedlog zakona o pomorskom dobru i pomorskoj plovidbi BiH*
- 3. Prijedlog zakona o elektronskim komunikacijama BiH*
- 4. Prijedlog zakona o poštanskim uslugama BiH*
- 5. Prijedlog zakona o izmjenama i dopunama Zakona o međunarodnom i međuentitetskom prevozu*
- 6. Prijedlog zakona o izmjenama i dopunama Zakona o osnovama sigurnosti saobraćaja na putevima? »*

Na postavljeno poslaničko pitanje, Vijeće ministara Bosne i Hercegovine, u smislu člana 37. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), na 55. sjednici održanoj 11.12.2013. godine, utvrdilo je slijedeći

ODGOVOR

1. Prijedlog zakona o izmjenama i dopunama Zakona o putnim ispravama BiH

U vezi sa tačkom 1. poslaničkog pitanja a koja se odnosi na Prijedlog zakona o izmjenama i dopunama Zakona o putnim ispravama BiH shodno odredbama članom 10. Zakonom o ministarstvima i drugim organima uprave Bosne i Hercegovine ("Službeni glasnik BiH", br. 5/03, 42/03, 26/04, 42/04, 45/06, 88/07, 35/09, 59/09 i 103/09), napominjemo da priprema nije u nadležnosti Ministarstva komunikacija i prometa Bosne i Hercegovine.

2. Prijedlog zakona o pomorskom dobru i pomorskoj plovidbi BiH

Ministarstvo komunikacija i prometa Bosne i Hercegovine pripremi je radni materijal koji će biti predmet razmatranja tokom ekspertske misije TAIEX. Zakon nosi oznaku „E“, jer se vrši usklađivanje sa Direktivom 2009/15/EC o zajedničkim pravilima i standardima za organizaciju za kontrolu i pregled brodova i za odgovarajuće aktivnosti pomorskih uprava (zamjenjuje Direktivu 94/57/EC), Direktivom 2009/20/EC o osiguranju vlasnika brodova za pomorske tražbine; Direktivom 98/41/EC o registraciji osoba koje plove ukrcane na brodovima koji operiraju ka ili iz luka država članica Zajednice; Direktivom 2005/45/EC o uzajamnom priznavanju svjedodžbi pomoraca izdatih od strane država članica; Direktivom 2005/35/EC o zagađivanju sa brodova i o uvođenju kazni za prekršaje; Regulativom 782/2003 o zabrani smještaja organskih jedinjenja na brodovima; Direktivom 92/29/EEC o minimumu zahtjeva sigurnosti i zdravlja za unapređenje medicinskog tretmana na palubi brodova; Direktivom 1999/63/EC koja se odnosi na Sporazum o organizaciji radnog vremena pomoraca zaključenog od strane asocijacije vlasnika brodova Europske Zajednice (ECSA) i saveza sindikata transportnih radnika u Europskoj uniji (FST). Nakon razmatranja datih sugestija uraditi će se Prednacrt zakona koji će se, u skladu sa članom 6. Pravila za konzultacije u izradi pravnih propisa („Službeni glasnik BiH“, broj 81/06), objaviti na web stranici Ministarstva, u cilju provođenja javnih konsultacija u trajanju od 21 dan. Nakon razmatranja pristiglih komentara, nakon čega će se Prednacrt zakona, u skladu sa članom 31. Poslovnika o radu Vijeća ministara Bosne i Hercegovine („Službeni glasnik BiH“, broj 22/03) dostaviti na mišljenja. Dalja dinamika zavisi od broja pristiglih komentara i mišljenja koje će se tražiti u skladu sa Poslovníkom.

3. Prijedlog zakona o elektronskim komunikacijama BiH

Zakon nosi oznaku „E“ i usklađuje se sa Direktivom 2002/19/EC o pristupu i međusobnom povezivanju elektronskih komunikacionih mreža i pripadajuće opreme, Direktivom 2002/20/EC o ovlaštenju na području elektronskih komunikacionih mreža i usluga, Direktivom 2002/21/EC o zajedničkom regulatornom okviru za elektronske komunikacione mreže i usluge, Direktivom 2002/22/EC o univerzalnoj usluzi i pravima korisnika u vezi s elektronskim komunikacionim mrežama i uslugama, Direktivom

2002/58/EC o obradi ličnih podataka i zaštiti privatnosti u oblasti elektronskih komunikacija, Direktivom 2006/24/EC o zadržavanju podataka dobivenih ili obrađenih u vezi s pružanjem javno dostupnih elektronskih komunikacionih usluga ili javnih komunikacionih mreža kojom se izmjenjuje i dopunjuje Direktiva 2002/58/EC, Direktivom 2009/140/EC o izmjenama i dopunama Direktive 2002/21/EC, Direktivom 2002/19/EC o pristupu i međusobnom povezivanju elektronskih komunikacionih mreža i pripadajuće opreme, Direktivom 2002/20/EC o ovlaštenju na području elektronskih komunikacionih mreža i usluga te Direktivom 2009/136/EC o izmjenama Direktive 2002/22/EC i Uredbe (EC) broj 2006/2004.

Prednacrt je pripreman u konsultacija sa TAIEX-om, u periodu od 30. septembra do 4. oktobra 2013. godine. U toku je razmatranje komentara i prijedloga pristiglih u postupku javnih konsultacija, održanih od 19. septembra do 24. oktobra 2013. godine. U prvoj polovini decembra 2013. godine planira se upućivanje ovog materijala na mišljenja, a u skladu s članom 31. Poslovnika o radu Vijeća ministara Bosne i Hercegovine („Službeni glasnik BiH“, broj 22/03) i dalja dinamika zavisi od dobijenih mišljenja (planirano do kraja decembra upućivanje Vijeću ministara Bosne i Hercegovine).

4. Prijedlog zakona o poštanskim uslugama BiH

Zakon nosi oznaku „E“ i usklađuje se sa Direktivom 97/67/EZ o zajedničkim pravilima za razvoj unutarnjeg tržišta poštanskih usluga Zajednice i poboljšanja kvaliteta usluga, Direktivom 2002/39/EZ kojom se mijenja Direktiva 97/76/EZ u pogledu daljeg otvaranja poštanskih usluga u Zajednici za konkurenciju i Direktivom 2008/6/EZ o izmjenama i dopunama Direktive 97/67/ o potpunom razvoju unutarnjeg tržišta poštanskih usluga u Zajednici.

Tokom izrade Prednacrt zakona obavljene su Konsultacije sa ekspertima iz TAIEX-a, a postupajući po preporuci i zaključku sa sastanaka između delegacija Bosne i Hercegovine i Evropske komisije, 10. maja 2013. godine, putem Direkcije za evropske integracije Vijeća ministara Bosne i Hercegovine, Delegaciji Evropske unije u Bosni i Hercegovine, dostavili smo ovaj materijal, sa obrazloženjem na mišljenje. Nakon razmatranja datih sugestija urađen je Prednacrt zakona i dana 16. septembra 2013. godine, u skladu sa Pravilima za konsultacije u izradi pravnih propisa, objavljen je na web-u Ministarstva, a u cilju provođenja javnih konsultacija u trajanju od 21 dan. U toku je razmatranje pristiglih komentara, nakon čega će se ovaj materijal u prvoj polovini decembra 2013. godine uputiti na mišljenja, a u skladu s članom 31. Poslovnika o radu Vijeća ministara Bosne i Hercegovine („Službeni glasnik BiH“, broj 22/03) i dalja dinamika zavisi od dobijenih mišljenja.

5. Prijedlog zakona o izmjenama i dopunama Zakona o međunarodnom i međuentitetskom prevozu

Ministarstvo komunikacija i prometa Bosne i Hercegovine pripremlilo je tekst Prednacrtu zakonu o izmjenama i dopunama Zakona o međunarodnom i međuentitetskom cestovnom prijevozu koji je dostavljen nadležnim entitetskim institucijama i dalja dinamika zavisi od dobijenih mišljenja.

6. Prijedlog zakona o izmjenama i dopunama Zakona o osnovama sigurnosti saobraćaja na putevima

Ministarstvo komunikacija i prometa Bosne i Hercegovine pripremlilo je tekst Prednacrtu zakona o izmjenama i dopunama Zakona osnovama bezbjednosti saobraćaja na putevima u Bosni i Hercegovini i isti je, u cilju provođenja javnih konsultacija, dana 05. 06. 2013. godine objavljen na službenoj internet stranici Ministarstva, te je također dostavljen nadležnim institucijama na mišljenje (nadležnim institucijama Bosne i Hercegovine, entiteta i Brčko distrikta Bosne i Hercegovine). Nakon proteka roka za dostavu komentara, mišljenja i sugestija, održan je sastanak sa predstavnicima nadležnih institucija (04. 09. 2013. godine) na kome su razmatrani dostavljeni komentari. U toku je rad na izradi Nacrta Zakona o izmjenama i dopunama Zakona o osnovama bezbjednosti saobraćaja na putevima u Bosni i Hercegovini.